



LOKE NOS PUEBLO KIER OF MESTER SA

Critica Constructivo

Skirbi pa Lord Cobashi

Bon dia pueblo stima di Aruba. Como mi ta biba na San Nicolas The Forgotten City, mi tin cu ripiti e mesun cosnan aki, sino nunca nan lo wordu drecha. Mi ta sigur, si e brug chikito ey tabata na Playa, el a wordu drecha caba. Tambe si nos clinica tabata na Playa, nunca dilanti di dje, lo ta den un condicion asina. Ta masha tristu mes, un berguensa tatal. Bo ta kere cu ta dushi pa tende turistanan critica bo pasina asina?? No mi pueblo mi no ta sinti contentu, ni dushi. Pa reempalce e dos pida palunan riba e brug, ta casi un ana awor. Pa haci dilanti di nos clinica limpi ta lunanan largu awor. E ta imposibel, pa henter pueblo di San Nicolas bai na rudia dilanti di Parlamentu o D.O.W. pa pidi limosna, wel ami mes ta haci pa nan, door di skirbi o pidi nos Minister nobo, su excelencia sr. Tinchí Flanegien pa laga haci pa nos. Tin hopi mas cos pa drecha aki riba, pero laganos cuminsa cu e dosnan ey promé. Danki di antemano, pa bo cooperacion. Aruba su nomber ta dañá afo cuenta di droga caba, awor e mester wordu dañá, cu e ta sushi tambe??? Pakiko gobierno ta kere, nomber di nos cierto turistanan ta bini aki pa saca loke ta mahos?? Pakiko gob Ta pa dañá y degrada nombr di nos dushi Aruba. Gobierno mester sa, con cu sea, San Nicolas The Forgotten City tambe ta parti di Aruba, aunke e ta hopi mescla. Otro topico di San Nicolas. Den Diario diamars 23 maart 1993, pagina 23, nos pora lesa e headline, POR SPERA SITUACION EXPLOSIVO NA SAN NICOLAS, tocante di un carta skirbi na nos gobiernu, cu Coastal kier haya henter e Colony o Seru Colorado pa su mes. Mi no ta kere cu nos Prome Minister por laga Coastal forcé, pa dunanan e Colony, despues di e bunita show riba e grua o petiboem, lantando e dos portanan, cu a causa asina tantu discriminacion aki na nos dushi Aruba. Su bunita palabranan, a haci tur hende cu tabata presente, masha contentu mes. Si e haci algu asina, con su cara y nomber lo keda den nos cuminidad??? Mi no ta kere cu esey ta posibel. Un cos si mi sa, UNDA TIN HUMA, TIN CANDELA. Anyhow laga nos spera cu ta djis rumores y no berdad. Si ta berdad mes, Coastal mester sa cu el a haya tur cos pa nada, cu tur sorto di privilegionan. Ni belasting nan ta paga, pa yuda nos gobiernu pa progresá Aruba o e hendenan pover. E tiki belasting cu gobiernu ta hay for di man yen di trahadoman, cu ta traha pa e contracternan, no ta yuda pa nada. E compania cu ta yuda nos gobiernu, ta WICKLAND OIL. Si gobiernu ta haya fokier yuda Aruba, nan mester laga Coastal paga 5 ana i tuma 5 gratis.

Nos ta contentu, cu Coastal ta aki, pero no bou di e condicionnan ey. Ora Lago a cera, nos a sobreviví toch, sin refeneria. TA a turismo a tenenos na bida.

Na cuminsamento, tabata hopi duro, nos tur nba sanb Nicolas a sufriS, pero despues nos a mke e toch. Laganos spera cu locual nos a lesa den corantnan ta djis rumores. Otro topico. Hopi hende no a comprende cierto trikinan politico. Ora un Minister sinta su 4 ana sigui como un Minister e ta cla caba, el lo haya un penshon gordo, gordo. Si e no sinta e ful 4 ana tras di otro, e no ta hayé. Si gobiernu cai, prome cu e 4 ana, e mester paketa su maleta y bai cas. E senador, si ta keda den staten, cobrando su 6 mil florin tankilo, pendiente eleccioncion nobo o loke sea. Ey bo ta mira e diferencia entre e posicion di un Minister y un Senador. Tur, ke e posicion di Minister, pasobra e ta mas placa, pero bo ta cai mas lihe tambe. Dos ehempel: nos gobiernu nobo ta masha zwak, e tin solamente 11 asientos. Minister Kelly a sinta su 4 ana caba, awor ta Minister Tinchí Flanegien ta nos Minister nobo di d.O.W. Si gobiernu cai, señor Flanegien ta fo, y Sr. Kelly ta keda den staten. Minister Benny NBisbet ta den e mesun posicion, si gobiernu cai e ta fo, y Sr. Nicolaas ta keda den staten. Tin parlamentarionan, cu ta den posicionnan, pa cual nan no ta capacita, e ora ey, otro hende tin cu tuma decision pa nan. Tur tin nan advisornan, pero e ta hopi great, ora bo por tuma decisionnan bo mes, y abo haci esey, bo mester ta cualifica, capacita, y principalmente bo mester sa bo trabau. Tin biaha ora un parlamentario ta asina koppig, e Lider di e partido o partij raad ta duné e posicion e posicion pa bo kibra su garganta. E ora ey ta su mes fout. Esey ta algun di e trikinan politico, cu hopi di e parlamentarionan mester siña. Politiconan joven, cuida boso curpa, y semper tin boso wowonan hanchu habri, pasobra politiek tin biaha, ta hopi sushi, no por cai den un trampa, ki ora cu ta. Awor pa cera. Mi tin cu bolbe puntra. TA KEN TA GANA Y KEN TA PAPIA BERDAD?? Minister Hirsch Ballin a laga investiga e asunto di Nos Prome Minister tocante e cuenta di Mafia y droga na Italia, awor ta bin publicá den algun di nos corant, cu nada ta berdad. E cuenta aki ta parce un WEGA DI CHESS, o un JOKE. Te otro siman si Dios ke.